



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一六六

清吟堂全集七十六卷（清吟堂集九卷神功聖德詩一卷恭奏漠北

蕩平凱歌一卷扈從東巡日錄二卷附一卷扈從西巡日錄一卷獨

旦集八卷歸田集十四卷經進文稟六卷竹窻詞一卷蔬香詞一卷

城北集八卷苑西集十二卷隨輦集十卷隨輦續集一卷）高士奇撰

樓邨詩集二十五卷 王式丹撰

清吟堂全集

月潤堂藏板

江村先生具瑰麗博大之才真湛深願衍之學
籠罩百家發皇萬象鉅構鴻裁敷華揚藻足以
鼓吹休明垂不朽之絕業其見之長嗟短咏直
著述之緒餘烏足與竄蘊蓄之萬一哉雖然古
來稱詩者時代互殊體製各別要之詩以言志
必原本忠孝以至性至情爲根底於焉託諸比
興發爲詠歌能使人一唱三歎感慕而興起豈
非六義所陳有關於綱常名教者大乎先生遭
逢盛世勤勞密勿夙夜不遑歷有年所
主眷優渥爲廷臣所莫及比者
皇上親總六師扈從沙漠柳風沐雨之時被詔賦詩

清吟堂集序

磨盾草檄皆援筆立成亟蒙

嘉獎稽之史傳未有侍從之臣兼資文武紀旂常而
銘金石如先生者也太夫人春秋高迎養京邸
分大官之饌以娛親薦紳榮之適猶以日侍紫
禁晨食夕膳弗躬弗親三復廣微之詩輒嗟歎
不已乞身歸養

溫綸褒許賜金晉秩異數有加及奉母南旋易宮錦
爲斑衣以柘湖爲洛溪太夫人起居八座受斯
弗祿釐爾馨宜天下之人咸知先生有帷幄之
勳曾閔之行維忠維孝兼而有之故其長嗟短
咏皆原本性情思深而體大非僅以才筆之工

凌鄉校而轅班馬也特是孝者人子所可自盡而忠必視乎遭逢昔少陵不忘君父忠愛之念悉記之於詩然當天寶之亂流離巴蜀極才人之侘傺千載而下讀其詩未嘗不傷其志先生事堯舜之

君際休明之運賡歌喜起千載一時故凡山川之所游陟時事之所感觸景物之所流連絕無憤懣墮鬱之氣貯於胸次形之於詩鏗然而金和溫然而玉絀律以三百篇此則明堂清廟之章彼則低離板蕩之什詩有正變由於世判盛衰遇別屯亨也余與先生同年同館同備官於朝又

清吟堂集序

二

同時請假荷

君恩讀父書而報稱無聞祿養莫逮讀先生之詩捫心內媿殆不禁慨然而太息已
康熙己卯首秋年弟彭孫通頓首拜撰

清吟堂者

皇上所賜江村先生匾額也先生簪筆

禁庭朝夕應制每奏一篇

至尊未嘗不稱善也故有清吟之目蓋以一代詩人

許之矣及其暫歸北墅猶號山中宰相與予輩

贈答往來亦多斐然之作甲戌冬奉

召還朝苑西入直匪頒公讌富有詞章泊乎丙丁有

厄魯特之變

皇上三駕親征先生鞭扈從遍歷河套沙陀之地

寒風朔雪屢

勞然而磨盾倚馬不輟翰墨

至于

清吟堂集序

一

王師飲至以凱歌終既而承

恩侍養將母南歸拜花詔之榮享板輿之樂乃搜篋

行囊前後四年之刻成九卷間以示予予受

而讀之殆合唐人早朝出塞諸體兼而有之鄙

人固陋雖未能闢觀萬一辟如藜藿之子不事

口腹然入大官厨觀江瑤柱不能不歎願也孔

北海云鈞天廣樂必有奇麗之觀帝室王居必

畜非常之寶蓋世有非常之才然後有非常之

遇有非常之遇然後有非常之功非常者固常

人之所異也先生丘壑夔龍時廬

聖眷宣室之召計期不遠將來著述日異月新予如

河伯之見海若望洋而歎焉能測其涯涘哉其
以清吟堂名集者志

君賜于不忘也且使海內讀其詩者田夫野老皆得
近

天子之光矣是爲序

康熙庚辰秋七月鶴栖八十三叟年弟尤侗拜
譔

詩必有爲而作無所爲不作可也所爲不同一身一
家之計自鳴其適不必傳卽傳無足重輕惟關係朝
廷軍國之大者斯以極文章之鉅麗爲立言之法程
其在於書則元首明股肱良帝庸作歌臯陶颺言其
在於詩則皇矣常武諸篇揚扈周文宣伐密伐崇濯
征不庭之功巍巍煌煌輝煌赫簡策流千萬禩儒生學
士含咀訓詁莫或測其涯涘至於箕山之吟采薪行
之歌流傳前載詞非不古而聖人不復列之於經何
也其所爲殊也吾師宮相公以道術文學受知
聖主宣公內相垂二十年歸而復
召總裁

典訓出入禁闥又當

黃鉞三巡蕩除邊寇公有行必從瀚海交河周旋盡
瘁旣三年大告武成晉秩歸養發囊裏其詩如千首
命曰清吟堂集而區以苑西扈從二種苑西則居
賜第歷

內廷從容侍從翔步鵷行之作所謂帝庸作歌臯陶
颺言是也扈從則屬橐鞬隨豹尾仰
雷霆之赫濯歷山川之阨塞磨盾墨筆而成直與皇
矣常武諸篇相表裏焉其所爲可以尋常繹哉今天
下稱詩者多三唐兩宋各名其家然遭逢之盛抱負
之瑰偉希公什一不可得雖復磨礱雕琢工厥音節

不過如箕山采薪隱見滅沒於天地間而已燭火之
焰能與日月競光乎軒自公南歸執經待臯比凡九
閱月刻成得最先讀敢推其所以重今傳後以爲誦
公詩者告康熙三十七年八月朔受業海寧盧軒百
拜謹書

清吟堂集目錄

第一卷

苑西古今體詩共七十四首 甲戌年三月起至乙亥年正月止

第二卷

苑西古今體詩共五十三首 乙亥年二月起至丙子二月止

第三卷

扈從古今體詩共五十八首 丙子三月起至六月止

第四卷

苑西古今體詩共十九首 丙子七月起至九月十五日止

平漠北頌 附

第五卷

扈從古今體詩共三十九首 丙子九月起至十二月止

第六卷

苑西古今體詩共十四首 丙子十二月起至丁丑正月止

第七卷

扈從古今體詩共五十首 丁丑二月起至閏三月止

第八卷

扈從古今體詩共四十七首 丁丑閏三月起至五月止

第九卷

苑西古今體詩共五十三首 丁丑六月起至八月止

神功聖德詩 附

漠北蕩平凱歌二十首 附

清吟堂集卷第一

錢鼎 高 士奇 潘人

苑西古今體詩共七十四首甲戌十一月起至乙亥五月止

重至 闕下紀 恩詩并序

十月二十七日入都詣 乾清門恭請

聖安即蒙

召至 乾清宮東暖閣

而問南方禾稼途間風景并

垂訊臣母且

諭云爾舊居已命修葺可仍移入 霈靈弘加捐糜

莫報謹紀二詩用銘

清吟堂集卷第一

異數

侵曉趨 丹禁征衣未浣塵臣心澄似水 天語藹

生春遠起扶犁手重來珥筆身秋成今歲好清問感

皇仁

又

自賦歸田後循陔遂五年豈知將母意仍得 聖人

憐輕舸辭湖曲全家到日邊舊巢巢未掃還傍 九

重天

苑西邸舍二首

身再瞻 天表家仍住苑西魚歡新注水燕認舊封

泥傍架書初帙巡簷句續題獨尋芳樹下遺躅想山

妻

又

小堂啟魚鑰虛牖拂蛛絲敢謝巢阿閣還欣得一枝

宅煩將作理書問集賢司晚聽重門漏憑闌憶往時

歲暮張大宗伯以梅樹見貽

歲晏風扉掩江梅忽見分正當座撲而驚視玉為羣

古態寒中出清香靜裏聞草堂三百樹相憶隔江雲

苑西度除夕二首

湖鄉歸去五經春天上重來近 北辰守夜坐消紅

蠟短算年閒數白髭新頌椒人往俄三歲爆竹聲喧

任四隣猶是苑西當日景獨持柏葉獻慈親

清吟堂集卷第一

又

秋盡辭家忽過冬迎年餽歲事皆備故鄉梅夢傳新

放近得大兒臘月初家信云上苑冰華結正濃前二日大雪初霽投老久晚

三品石趨朝又聽五更鐘卑居明日還添歲羞把衰

顏對燎松

元旦早朝

瑞靄瞳瞳殿闕開金支夾路 祀初回五鼓候於五鳳樓前駕出祭堂于迎送畢

生心總惕驅馳願在力將頽昇平氣象元辰見已報

經旬暖律催時二春

春雪獨坐張大宗伯示題北墅圖詩

故園渾在眼新句最關情山水緣難割松篁徑已成
長箋開累幅春雪坐深更還羨龍眠下千巖紫翠橫

謝靈運詩題北窗詩讀謝詩後讀此詩等語謝詩實無東坡此語老解
事與謝詩重如洪璧一線兩珠皆足貴古詩李賀與謝詩何兄嘉樹羅下章
春深宮闈雨人宅我愛江郎新草堂紫翠橫松篁徑下千巖紫翠橫
幾一筆天香所結嶺南空紫翠橫松篁徑下千巖紫翠橫
歲暮霜皮白天香所結嶺南空紫翠橫松篁徑下千巖紫翠橫
同朝夕國春題春題嶺南空紫翠橫松篁徑下千巖紫翠橫
蕭瑟幾見春題嶺南空紫翠橫松篁徑下千巖紫翠橫
海嶺梅下挺松一樹對此小巫氣胸索披圖如深九曲引人生性鍾鍾老
自是君身有仙骨灤山嶺嶺仙客他日功成思肩去細把庭柯看數尺

春夜思北墅

春催暖雨落梅花難忘溪頭野客家亂石成橋多犖
确碧叢叢裏發滇茶

收歲以來未得大兒家書

過盡寒風冷雪天玉潭潭水漾淪漣雁鴻斷處愁經
月泉石辭來事隔年自去秋九月離家忽已春半却悔好春成寂寞屢
因明月憶團圓聞心本少青雲慕五柳柴門亦可傳
昔留敝篋於京師內有書畫小冊春夜檢視
其人散亡過半矣嗟嘆成詩

燕京二月春猶寒山中再來真無端夜聽篝燈檢塵

展看邵村驚座擅談話至今佳話盈長安方侍郎庶子
春華頓凋謝蒼蒼數疊浮烟嶺莊庶子七字清新初菴
句儼然風度來嬰葉少司憲行步纓我兄畫詩書三絕
天朗不鑒成摧蘭太常兄嬰蘭余歸次年沒於京邸更憶大梁劉主事淋漓

墨瀟揮琅玕劉主事仲阮於內取書竹歸喜堯峰相泮礪奈何忽奪
風騷壇平南韓後江編修範舊交賴有嚴朱在性耽林壑同

辭官茲行定為猿鶴笑扁舟讓與雙釣竿前過惠山
藕漁病竹坨送我言加餐謝靈運近聞又死李十九李商隱

餘年俄指彈曩時親故半零落對此不覺興長歎懷
鉛記從陳張後朝朝侍直趨金鑾大司農陳公人字伯張公同直南書房陳公風雨侍直詩

春風秋雨幾回別見面問訊交悲歡自慚鬢白牙齒
豁宦情久淡形骸單清明欲近小桃發武會書清明七花歌絕書郵行見小桃詩

清明積雪二首

吹遍東風柳漸疏丰濛又見雪凝途陌頭踏草青深
淺林外尋花色有無堪笑形衰同瘦鶴未能心痛感
靈鳥欲為死大夫修治墓客齋獨下簾幃坐撩亂鄉思在五湖

又

却憶家園禁火時小桃紅放水邊枝晴軒書靜蝶無
數畫舸春遊花有期可奈年光南又北最憐人事合
還離佳晨雪重池煙歛未減寒衣只自知

清明後四日復雪

冷雲黯黯結春陰疑是飛花出禁林潤漬庭柯微轉
綠煙迷苑柳未搖金流光暗覺催華髮伴老何當失
素心那更埋頭勞筆硯歸歟時自動長吟

書殷子彥來歲寒吟後二首

重到池頭歲晏時忽看牕影日遲遲
小桃山杏春無賴那更吟君歲晏詩

又

詩到王田法律嚴何由擊節得相兼
我亦聞名姓無奈經時靜下簾

暮春過廣濟寺看紫桐樹訪天孚上人二首

禁苑春將老花宮日正遲
嫩苔鋪雨徑高樹冒晴絲
半展已公簾閒吟惠遠詩尋芳憐校晚却後海棠期

又

桐花開異種活色泛銀紅
片融光搖金檢字

香遞寶幡風一飽伊蒲
饌相留日可中

荅寄宋漫堂中丞二首

尚記維舟夜霜花撲水
鷗易成揮手別難遣寸心降
好夢蟾三五新緘鯉一雙
殷勤煩囑子遠訪涉春江

又

小卷橫秋色長吟絕點塵
意須遇賞真人鈴閣清幽
綈爾老筆神苑西慙述

作商略苦無因

附宋中丞詩貽代賤賞雜第一棠村已殘推江村五年當漸漸休沐摩挲
卷軸窮朝昏昨換寄我銷夏錄雲煙過眼實弟今年奉召北赴關
西諸公追行江濱相見不暇作絮語瑣細之編出異珍金題玉牒得未有
傾囊倒篋縱橫陳卷餘餘錄我手餘片附對不欠仲二日服食爲之廢

有時大叫忘主賓富貴山園衰生清麗上妙處
華亭書卷許更把柳江秋寒病奇絕氣韻生動真
高麗表微光如銀一重一掩師造化一樹一石
美齋朝日相輝新設云古人不見我見大癡心
點綴更重與與先生好長翠相增進遊散諸情
嬰脫我衣與市要長我長欲記勝事報辭良愧
刀光射荷蕊根若吟猶看作山字句雖不覺
事則真錄入卷尾更寄似此詩此畫爭千春

侍從 暢春園 宴遊恭紀 十首

自康熙二十八年叩辭 天表歸傍湖鄉自
分枕石漱流于焉終老依 光親 日難以再
逢去秋忽荷

恩綸召還 禁闕今者首夏三日又蒙

命 遍觀 暢春園時則輕陰籠樹細雨霽苔松磴
逶迤偏容散步鈞廊曲折獨許幽尋 命中使

以導行度長林而徐進是迎新漲錢荷與網荇
齊舒路絕纖塵莎砌共藥欄交映紅英碧蕾皆
由

聖澤栽培右石左花盡出 天心位置林巒景自

爾清深階凡重重會非藻飾香霞作片樹譜之
所未詳濃豔成叢花師之所罕覩春波漱灑挽

來天上星河畫漏稀微留取壺中日月 九霄
誰至十岳非遙既而隨侍 御舟分霽 天饌

風移畫幙不煩錦纜之牽香溢雕盤遠勝酥陀
之味 寵榮過分悲喜交來不謂餘生更邀

殊眷且見我

皇上燕閒之地盡羅縹帙細襲游豫之時每念煙

鋤雨笠治則義皇中漠心同堯舜疇咨

生遇昇平身蒙濺澤泉痕未掃欣隨社燕

重來土脈初融喜並春菱再發驚慚無地感激

自天謹撰五言十章用誌千秋一遇云爾

勝景藏丹壑榮光盼碧除殊恩驚望外舊路記

來初徑曲中官引塵清上象虛不緣宸寵渥那得

歷仙居

又

御苑森嚴地人寰別有天銅池微滴雨珍木遠含煙

院靜鶯吭滑山遙翠黛連縱游承密旨徒倚日爲

清吟堂集卷第一

七

年

又

宵窺雲廊轉參差水榭清煙嵐隨目換林壑自天成

鴛瓦魚鱗簇虹梁雁齒平皇風存簡朴曾不尚丹

楹

又

野萼紅翻浪山蕙綠長痕引泉搖露索就樹列雲根

亭毒知天意滋培沐聖恩寸心同小草無計答春

溫

又

百卉邀天澤名花獨殿春異香吹不斷浩態寫難

真錦濯巴江水瓊霏縣厓塵洛城千萬種爭似御

又

一徑迴峰側言從古洞過澗松親種植口敕許摩

拳雨潤龍形嵐苔深仰頂螺巖邊度盟漱合掌祝

堯多

上指蓮花巖小松云此巖離朕清淨山勝所移者今已成樹可登梓摩之

又

園林多靜會鉛槧每親攜玉儿流塵淨芸籤挿架

齊長吟移晷漏妙契含奎蹄聖學深淵海詞臣孰

測蠡

清吟堂集卷第一

八

又

茨土風仍在閭閻意不忘林中聽布穀花裏映條桑

陂暖鷓鴣浴叢深蛺蝶忙野人情抱慙天上見春光

又

細荇牽芳帶么荷卷翠鈿泝流橋影動搖浪縠紋圓

咳唾天何近恩光古未傳臣心明可鑑報答指

清川

又

憶昔趨中禁豐餐撤御厨一從棲水竹五載饜

菁蕪重捧金莖賜欣嘗玉粒腴湛恩終始在鼓

腹誦康衢

恭賦 暢春園牡丹 八首

繡檻無塵翠幕深玉盤金縷護春陰上林風暖移根早識取東皇長養心

又

暈紫鞵紅各一羣望中紉縵卷瑤雲玉皇案畔香如海未必仙官便得聞

又

蕩煙霏霧簇千繪洛水彭州見未曾紫幄風輕光不定春晴誰轉百枝燈

又

宜深宜淺間斜行風葉低垂露葉昂諸葛穎如來後

苑不知布策可能量

又

露華冉冉日華浮珠彩瑤光爛不收一片異香天上發不須腰鼓打涼州

又

碧闌干拂采霞痕列錦團窠射曉暉獨有一叢檀印淺栢衣應是百花尊

又

當風繡段曉斑斕態自繁華意自閒仙品由來依洞府肯教傳種到人間

又

鎖階行去畫廊紆數偏花叢日欲哺願作點波雙蛺蝶勾欄長得繞香鬚

徐蔭軒前杏花丁香刺梅皆當年手植今成

茂樹開花甚繁 二首

苑外樓臺覆道東淺紅冶紫鬪春叢五年寂寞無人看總在天家雨露中

又

春書花陰滿徑苔庭前拱把盡親栽當時紫燕交飛處獨對東風寂寂開 覺亡妻

送陳梓湘之任桂林

五載磯頭理釣絲一航頻許過柴籬探花不廢芳年

集高詠仍多暇日期遠道冰霜勞並轡炎方遊宦惜

臨岐江淹老矣才華減別賦難成黯自知

從天孚乞紫桐花

維摩無意鬪春工却現優曇小院中會得拈花微笑

意可能乞與一枝紅

送兒軒歸娶 二首

燕子將雛鴨引兒不堪愁緒亂如絲迢迢路去三千

里脉脉情牽十二時稚幼自來依膝下劬勞早苦失

親慈顏年祗續心偏切旅舍餐眠慎自持

又

每思投老向江村先遣癡兒早畢婚五畝桑園歸計

穩一簞蔬食道風存柏枝泣露山妻眉間疑有疑思千竹
影籠烟欲抱孫好與兄言善調護鑑湖旦晚乞君恩

同薦文友菴赤昇天壇道院看牡丹二首

長晝松陰覆古壇香霞暖放約同看雖然前夜風兼
雨髮髻繁紅也未殘

又

細草如氈滿徑鋪錯將此地認元都重來漫比劉賓
客不問桃花舊有無

芍藥

秘色生香畫未工春光常在膽瓶中粉塵十里豐臺

路髣髴晴霞撲馬紅

合肥公廬墓處有白燕來因賦

馴鳥擾鹿是耶非素帶今看白燕歸丙舍仍教沙作
路戊巢相伴雪為衣銜花影掠香泥淨繞幕風迎玉
剪飛莫戀茆檐棲處穩會傳好語到綸扉

東錢亮工二首

風雅今誰是君才獨軼羣詞傾夔峽水胸溢岱宗雲
竿瑟無同好涵澍本易分臯禽方振響會見九霄聞

又

昨歲水霜裏偏勞出郭迎盍簪村店小並轡晚沙晴
轉眼迴寅柄相思隔子城牀頭有春甕久貯待同傾

惜瓏中芍藥二首

膩紅皴白看將殘愁態離懷感百端慚愧今年又空
擲幾曾縱酒與加餐

又

片片傾欹墮研池晚天困頓卸妝時重簾愛護餘香
在不更多情落少遲

過城北舊居

城陰僻路此重經古觀春風燕麥青槐影依然門巷
寂四隣幾度換居停

青宮千秋節應令

甲觀清嚴護紫雲葵心捧赤被南熏千秋喜叶重

輪曲五色方纒綵縷紋問寢銅鋪開曙景賜題

瑤簡動星文三山山下蓬萊水幼海仙源一派分

附錄

御書山流水四字

康熙三十四年始蒙大潤戲之歲

皇太子春秋十有二月四日寅惟 廣節 宮庭嘉慶 慈孝交隆

皇上特麗 天章 賜高山流水四字前皇極輝映星日巨觀以凡謝與參法從追

趣中樂有餘年每于 細筋廣廈之間時望少海前星之色歸田五載林壑是

懷比奉

恩綸重至 闕下恭聞 盛事所付滋深竊念山結川融涵宇宙太和之氣開寧謀時

去社稷無疆之休蓋高而不審事同靜德流而不息有合健行託物比倫 吉徵

義遠又不獨

宸藻之近妙足以昭耀千古也

臣謹拜手稽首紀諸簡末焉

山荆三周諱日志痛二首

流景如電激浮生良可悲別經三匝歲緣隔一生期
失侶巢空在衰顏鏡懶窺最憐重五近腸斷是茲時

又

重逢苑西住佳節益增哀
櫻解愁難解榴開恨不開
故衣藏滿篋鄉酒奠深杯
水遠山長路芳魂可得來

觀章侯野薔薇畫憶北墅二首

小圃周遭細水流野香不斷
烏駒斲花當淺夏濃芳
減獨讓籬邊氣味幽

又

羅雀開門晝懶開
朝朝檐上買花栽
折枝那似老蓮
畫每憶鄉時看一回章侯一號老蓮

和張大宗伯謝芍藥二首

多時未涉謝公皆野興
鄉思莫可排
忽枉詩篇記花

事如揮塵尾話蕭齋

又

輕雲籠日浣花天四月十九日為浣花天
折取繁香曉露前
碧網朱簾清晝永
直廬揮換憶年南書房每於芍藥花時當直內監清晝在水榭換去昨日之花

又代東二首

樹影蔥龍月上堦時五月望日
和成險韻費安排
別來六載尚書宅
花草仍然畫舫齋

又

荷鉏抱甕隔江天
冒雪重來至目前
眼底鄭花開又謝
馬蹄南郭負今年

附張大宗伯詩謝家紅藥正當皆有瓊瑤好何非昨夜春風過曉窗數葉殘花事一燈前芳韻記曾遊處不到

聖聖二
十年

屋後棗樹是山荆
昔年手植

小棗親栽一兩科
晨粧初罷每摩挲
今朝翠葉齊檐處
穠為花香惹恨多

田漪亭侍郎題北墅梓花圖次韻代東五首

高檐葉覆蛾兒綠
冷砌花鋪魚尾紅
亂落正愁三月後
濃芳今在五篇中

又

碎錦濯江春
艷艷斷霞烘
日曉斑斑露枝煙
葉蒙新句
笋屐桐冠憶舊山

又

幽居事少常多暇
典到詩成不計篇
誰遣春雲重出
卣欲乘夜雪便迴船

又

雨裝石畫思苔徑唐上官昭容詩
風皺韉紋夢水亭
花底一鈴應
獨語門前五柳為誰青

又

空外雅音傳夏渡
行間香氣散檀沈
經營我無吳
耐懶漫酬君只越吟

附田侍郎詩葉如淡蕙酒蒲綠子比質郎枸杞紅千瓣吳楓冷江上張翥錦文陽中春雨臨枝嫩藕濕山禽啄地燕交斑溪紅風聲落秋水天碧霞銷瑟瑟山看去飛雲真妙手吟來徐庾好詩篇青牛偃臥三千樹綠蟻經營一百船屏風花縵三春宅那色天烘北墅亭虎梓蒼根十圍大羅江遠清數峰青欄口庭葉密寂寂河陽梓澤登銷沉驚溪網上花無數好伴先生抱甕吟

昔庚子之歲余在髫年性喜書畫先君老友

丁秋平以章侯所畫墨蝶落花扇見贈項於

山荆故奩中檢出開展如新屈指三十六年

感慨係之因用箴中韻題志

三首

換來三十六春風花信年年蝶使通愁見畫圖雙上
下別離腸斷一生中

又

除是莊幃夢可通更無消息晚春中輸他幾摺湘紉
瘦草寫雙飛趁曉風

又

冷落金泥壤篋中不關棄置向西風浮生那似物常

在欲訪銀河無路通

寄與兒書知軒兒五月四日抵家正是山荆

三周壽日

拂戶熏風苦夏長遠思二子在湖鄉辭親去去數千
里與弟怡怡聚一堂角黍易增前歲痛莫延未燼隔
年香庭榴園相知無恙何日歸今趁野航

苦雨

暑雨連昏曉翻盆可奈何短垣傾似甑欲溢成河
避漏移細帙添香焙越羅却滋階下草帶濕自婆娑

清吟堂集卷第一終

男

輿校字

清吟堂集卷第二

錢塘 高 士奇 澹人

苑西古今體詩共五十三首

乙亥六月起至
丙子二月止

侍直 暢春閣

御書已巳年

駕幸西溪

山莊詩于扇頭

賜 恭紀 康熙三十四年
六月十六日

綵毵星繡駐席門至今巖壑被春溫已聞 天籟傳

松韻更拂 宸毫灑露痕吟誦清宵千淡發臨摹黑

水一池渾懷中煦煦和風滿萬古熏絃荷 聖恩

恩賜

御書及

淵鑑齋宴遊恭紀

并序

臣 士奇桑榆下士卑樞庸材猥蒙

持達之知忝與編摩之任廿年祇直初無補于纖毫

一意奉公止自銘于陶獨

曉宮清闕時捧

宸章

春殿從容每分

天饌愧 寵榮之踰

分致嫌忌之紛來荷蒙我

皇上曲護孤根得遂歸田之願終收敝屣俾抒戀

闕之誠 大德崇深有逾覆載餘生疲菑舊効

驅馳方矢報以靡從廻 垂恩而無已 特念

圖書秘府曾與校讐重令草野陳人得霑 賚

予夏六月二十五日乙卯傳

旨命

臣 同戶部尚書

廷敬原任左都御史 臣 鴻緒

于 南書房

賜 御書橫卷一挂幅一宮

扇一霜形素練煌煌金璧高寒月樣輕紉奕奕

龍鸞跳動雨來雲起象 聖澤之汪洋垂釣讀

雨來雲起垂釣讀書

書 鑒臣心之野逸 動搖懷袖長

披解慍之風什襲縑紉永作辟塵之寶翊日丙

辰恭詣 暢春園謝 恩復

命 同戶部尚書 臣廷敬禮部尚書 臣英原任左都

御史 臣鴻緒內閣學士 臣藻太常寺少卿 臣杜

訥兵部督捕理事官 臣會恩翰林院侍讀學士

臣廷贊侍講學士 臣夔右春坊右庶子 臣岳頒

賜以宴飲塵沙凡骨仍厠 仙都藜藿枯腸

再叨 法膳山膚水篆香流芍藥之和青飢紅

蓮滑勝彫胡之味花薨古麗色奪雲峰象七淋

清吟堂集卷第二

二

清芳流露掌既而欣承

別詔許上飛廬桂漿輕移荷帶交縈沙面蓀橈徐泛

蘋香暗起船頭翠微亭約畧麻姑井畔紅衣

的的依稀太華峰顛恍乘博望之槎更遊銀漢

復 賜上關之果載捧金匱則有蜀國程紅獨

冠側生之譜楊家黝紫分管乍熟之秋絲籠盛

來縹李細桃互映晶盤擎山紅菱碧藕交鮮傾

霞液以神清嗽月圓而思爽咏

皇仁于既醉樂甚含哺奉

帝命之重宣行教攬勝于是徘徊碧砌徙倚彤鋪累

萼重跼根移絕域黃鬚紫蒂陰覆廻欄雪片續

紛西國曼陀之藥日華紉縵東瀛若木之枝開

見爲之一新應接從而不暇復傳 與諭快覩

離輝 瑤檢千函燭榮光于紫漢 芝縑五

色躋異采于明霞赤水探珠行行照乘藍田採

璧片片連城誰誇飛白之書永藏石室雅稱硬

黃之揭上掩蘭亭霧結煙暈仰見 奎文之煥

爛淵渟岳峙彌欽

聖學之高深偉觀直比于堊洋淺識自慚其捫籥追

乎銅壺滴瀝漏點方遄雕佩委蛇履聲將散

寵頒珠蓂風前之袍袖沾香敬捧瓊葩懷裏之

鮮壘煥采沐 天波于太液拜 命驚疑榮

清吟堂集卷第二

三

君賜于高堂承顏抃舞咸均老穉歡動隣閭在

昔鳳諸垂芒淳化詩留刻石龍編列宴建元曲

紀橫汾玉堂丹禁之書祇傳二字翠杓銀罍之

賜漫說九霄史策猶侈夫美談臣子已矜爲異

數况乃鸞廻鵲顧瞻 黼藻之紛綸雪酪冰漿

吸清涼于炎伏疊邀 恩渥 堯文共舜酒齊

頌累奉 宣呼玉體與銀鈎續錫真迴花開四

照莫比其榮鼇負三山 維方其重者矣 臣不揣

疎蕪敬抒感頌仰戴 協天之德聊同擊壤之

歌云爾

天畔巢痕傍碧城 禁林風細暑初清驚傳 玉旨

三霄近拜捧 琅函五緯明 曾是昔年趨走地 重邀聖主鑒憐情 璫應鉅砌低徊久 一展緇囊涕泗橫

又

麟毫鳳味 萬幾餘筆海兼潤 泉體書石宿珊瑚 光照夜晴川虹霓氣 蟠金指扇看飛動 疊雪文綾任卷舒 應得今宵占太史 奎芒一道起蓬廬

又

細草成茵苑路深 馬蹄趁曉蹋槐陰 承恩竊媿虛臣職 錫宴翻勞慘帝心 珠顆稱香紛落筍 銀絲繪縷乍離砧 人間誰識酥陀味 榮遇叨霑曠古今

又

祕館清嚴絕點塵 水晶簾薄漾魚鱗 蟾蜍滴處生龍滑 瑤瑁裝來翠軸新 大小西山俱探索 勤勞乙夜每披陳 旁闕自覺涓流細 學海何由得問津

又

才向官廚飽 內餐重羅仙果出 雕盤郁園小摘蛾兒綠 海舶遙輸鶴頂丹 池而輕漪風引皺 盆心細漱夏生寒 筵前中使頻宣勅 湛露恩深欲報難

又

碧檻文廊曲折通 異花深淺放成叢 珍珠朶朶紛紛白 秣羯團團枝點點 紅燭鈴近沾 天上露幽香 遠嶺頭風多年闌 更名難辨好手丹青寫未工

又

龍護璇題署 佩文上觀書樓毫之殿在淵書匱書篋異香熏 諸家體勢毫釐辨 六法源流次第分 天筆花飛疑旭照 波牋雪淨爛 春雲驚看 寶翰由神授 漫數元常與右軍

又

輕颺乍點殺 紋圓玉井仙姿蕩 午煙葉動試看珠瀉 葢花繁應識藕如船 中通轉覺重臺貴 獨立何愁弱蔓牽 捧出連莖叨 寵渥香風習習擁歸鸞

郊望

積雨苦無休 茲晨賴相假 柳陰策羸驂 餘滴尚沾灑

清吟堂集卷第二

遙矚西山巔 濃翠紛可寫 潢潦激微湍 涓涓道傍瀉 鳴蟬聲斷續 飛鳥亂上下 頽垣見小弁 泣露自天治 清風動絺縠 三日送殘夏廿八日立秋 流景忽潛移 先看從原野

新秋行西郊

京露俄驚透 葛衣未明天 氣客行稀陰 森密樹生輕 簾層疊遙峰 露翠微觸處 黍禾甘宿雨 望中樓閣漾 朝暉回思曾 借田家住馬任遲遲 鞭懶揮已巳夏秋與致路旁人家此後南歸經今六年斷絕如舊

去秋余五十生日慕廬學士用舊韻見贈二詩隨疊前韻送之北上今又值學士生辰適